

Laza lingvo

La **laza lingvo** (ლაზური ნენა, lazuri nena; *kartvele*: ლაზური ენა, *lazuri ena*, აჷ ჭანური ენა, *ĉ'anuri ena*, ankaŭ *ĉanuri ena*; *turke*: *Lazca*) estas la nacia lingvo de la lazoj ĉe la sudorienta bordo de la Nigra Maro. Oni kalkulas ke ĝin parolas 30 000 personoj en Turkio (provincoj Rize kaj Artvin) kaj ĉ. 2 000 en Kartvelio (Aĝario).

La laza lingvo estas unu el la kvar lingvoj de la kartvela lingvaro kaj apartenas al la zana lingvogrupo. Ĝi estas proksima al la mingrela kaj iom malpli, kun la kartvela. La lazoj kaj mingreloj loĝas dise pro politikaj kaj religiaj kialoj ekde pli ol 500 jaroj. Malgraŭ tio, iliaj lingvoj ankoraŭ estas kompreneblaj inter si. Verŝajne la laz-mingrela branĉo apartiĝis de la kartvela en la 1-a jarmilo a.K. Multaj lingvistoj defendas ke la laza kaj la mingrela estas variantoj de la zana lingvo.

Enhavo
<div>Geografia distribuo</div> <div>Socia kaj kultura situacio</div> <div>Aspektoj de la lingvo<div>Kelkaj vortoj kaj frazoj en la laza</div></div> <div>Eksteraj ligiloj</div>

Geografia distribuo

La antikva reĝlando Kolĥido situis en la sama loko kie nun loĝas la lazoj kaj mingreloj, eble la kolĥidanoj parolas antivan lingvon rilate al la laza. Kolĥido estas fama pro la greka legendo pri Jazono kaj la argonaŭtoj. En la Mezepoko oni jam parolis pri Lazujo.

La plejparto de lazoj loĝas en nuna Turkio, en la provincoj Rize (Pazar, Ardesen) kaj Artvin (Hopa, Borĉka), en la nordoriento de la lando. Ankaŭ ekzistas laza komunumo de lazoj en Kartvelio (Aĝario), el 30.000 personoj. Multaj lazoj ankaŭ loĝas en Germanio kune kun aliaj turkoj.

Socia kaj kultura situacio

La laza ne havas oficialan statuson nek en Turkio nek Kartvelio. Ĝi nur troviĝas en la familia etoso kaj por ĉiaj aliaj aferoj estas uzata la oficiala lingvo de la respektivaj landoj (aŭ turka aŭ kartvela).

En Kartvelio ĝi estas skribata per la kartvela alfabeto kaj en Turkio per la latina. La lazparolantoj malkreskas pro la rapida turkiĝo de la lazoj. Tial la laza estas en listo de endanĝerigitaj lingvoj.

En la lastaj jaroj, la laza folklora muzikisto, Birol Topaloĝlu [topalo:LU] sukcesis per siaj muzikalbumoj *Heyamo* (1997) (la unua en la laza) kaj *Aravani* (2000).

En 2004, Mehmet Bekârôĝlu, membro de la Partio de la Feliĉo sendis informon al la ŝtata radiotelevida entrepreno, kie li deklaris ke lia gepatra lingvo estas la laza, kaj pro tio li petas elsendojn en la laza. Samjare, lazaj intelektuloj sendis peton kaj kunvenis kun la estraro de la entrepreno por ekigi televidajn elsendojn en la laza. Tamen, ĉiuj peticioj estis ignoritaj de la aŭtoritatuloj.

Aspektoj de la lingvo

La laza lingvo havas riĉan sistemon de konsonantoj (la plej riĉa el sudkaŭkazaj lingvoj) sed nur kvin vokalojn (a, e, i, o, u).

En Turkio modifita turka alfabeto estas uzata por skribi laze, en Kartvelio oni uzas la latinan skribon, malgraŭ la kelkjara uzo de speciala latina alfabeto en 1920-30-aj jaroj.

Kelkaj vortoj kaj frazoj en la laza

- ho (ჰო) — jes
- va (ვა) — ne / * var (arhava dialekto)
- ma (მა) — mi
- si (სი) — vi
- skani (სქანი) — via
- ĉkimi (ჩქიმი) — mia
- Gegeacginas. / Xela do k'aobate. (გეგაცგინას. / ხელა დო კაობათე.) — Saluton
- Kai serepe. (კაი სერეპე.) — Bonan nokton
- Kai moxt'it. (კაი მოხტიტ.) — Bonvenon / Kai ten ***
- Didi mardî. (დიდი მარდი.) — Dankon
- Muĉ'ore? (მუჭორე?) — Kiel vi?
- Kai vore. (კაი ვორე.) — Bone. Kai bore (arhava dialekto)
- Dido xelebas vore. (დიდო ხელაბას ვორე.) — Mi estas feliĉa
- Sonuri re? (სონური რე?) — De kie vi estas?
- T'amt'ra (ტამტრა) — Trabzon
- Londoni (ლონდოი) — Londono
- Turkona / Turketi (თურკონა / თურკეთა) — Turkio
- Cermanya (ჯერმანდა) — Germanio
- Xorumona (ხორუმონა) — Grekio
- Xorz'a / Oxorca (ხორძა) — virino
- K'oĉi (კოჩი) — viro
- Bozo (ბოზო) — knabino
- Biĉ'i (ბიჭი) — knabo
- Supara (სუპარა) — libro
- Megabre (მეგაბრე) — amiko
- Qoropa (ყოროფა) — amo



„Gepatra Lingvo“, la libro en la laza eldonita en 1937 latinskribe en Sovetunio

- Mu dulya ikip? (მუ დულა იქიფ?) — Kiu estas via laboro? / Mu dulya ikom (arhava dialekto)
- Lazuri gişkuni? (ლაზური გიჩქინი?) — Ĉu vi konas la lazan? / Lazuri gickini (arhava dialekto)
- Skani coxo muren? (სქანი ჯოხო მურენ?) — Kiu estas via nomo?
- Ma si maoropen. (მა სი მაოროფენ.) — Mi amas vin

Eksteraj ligiloj

- [1] (<http://www.kolkhoba.org/lazuri.htm>) kolkhoba.org: Kolkhepesi Khonari - La laza lingvo
- Lazebura.net - Pri la lazoj kaj ilia lingvo (<http://www.lazebura.net>) (turke kaj laze)
- Pri la lazoj kaj la laza (<http://www.lazebura.net/english/index.php>) (angle)



Provejo en Laza lingvo de Vikipedio
 ĉe Vikimedia Inkubejo

Elŝutita el "https://eo.wikipedia.org/w/index.php?title=Laza_lingvo&oldid=5829861"

Ĉi tiu paĝo estis lastafoje redaktita je 07:34, 23 dec. 2015.

La teksto disponeblas laŭ la permesilo Krea Komunaĵo Atribuite-Samkondiĉe 3.0 Neadaptita; eble aldonaj kondiĉoj aplikeblas. Vidu la uzkondiĉojn por detaloj.